

**KJKP „VODOVOD I KANALIZACIJA“ d.o.o. SARAJEVO**  
**DIREKTOR**  
**Izvod broj: 94/20**

Sarajevo, 24. 12. 2020. godine

Na osnovu člana 64. stav (1) tačka b), člana 70. stav (1) (3) i (6) Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 94/20 od 17.11. 2020. godine, u postupku javne nabavke roba br. 94/20 - „Rezervni dijelovi za teretna i terenska vozila“, donosi se :

**O D L U K A**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 94/20 od 17.11.2020. godine i Ugovor za javnu nabavku roba: „Rezervni dijelovi za teretna i terenska vozila“ – tender broj 94/20 dodjeljuje se ponuđaču: „Autoelektra“ d.o.o. Sarajevo, ponuda broj 1020-01-X/20 od 20.10. 2020 godine za ponuđenu cijenu u iznosu: 95.457,10 KM bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču: „Autoelektra“ d.o.o. Sarajevo, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 94/20 od 11.09.2020. godine

Komisija za javnu nabavku je imenovana Rješenjem br. 50/20 od 25.06. 2020 godine i dodatni članovi komisije imenovani dopunskim Rješenjem br. 94/20 od 11.09. 2020 godine.

Na osnovu Obavještenja o nabavci broj 247-1-1-156-3-283/20 koje je objavljeno na Portal javnih nabavki dana 28.09.2020 godine, a sažetak obavještenja o nabavci je objavljen u „Službenom glasniku BiH“ broj 61. od 02.10.2020 godine, proveden je postupak javne nabavke putem otvorenog postupka.

Komisija za javne nabavke je dana: 17.12.2020. godine, dostavila Preporuku o izboru najpovoljnijeg ponuđača br. 94/20 P od 17.11.2020. godine i Zapisnik Komisije o pregledu i ocjeni ponuda br. 94 od 17.11.2020. godine, u kojem je konstatovala slijedeće:

Komisija konstatuje da je na osnovu Obavještenja o nabavci br. 247-1-1-156-3-283/20 od 28. 09. 2020 godine, proveden postupak javne nabavke putem otvorenog postupka te je izvršeno javno otvaranje ponuda dana: 20.10.2020. godine u 13:00 sati, a što je konstatovano zapisnikom sa otvaranja ponuda br. 94/20.

Za predmetnu javnu nabavku dostavljene su 2 (dvije) ponude ponuđača:

1. Ponuđač: „Kare“ d.o.o. Sarajevo
2. Ponuđač: „Autoelektra“ d.o.o. Sarajevo

Navedeni ponuđači su preuzeli tendersku dokumentaciju sa Portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku.

Nakon izvršenog otvaranja ponuda Komisija je dana: 21.10. 2020 godine pristupila pregledu i ocjeni pristigle ponude u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude.

Komisija je utvrdila da dostavljene ponude ponuđača „Kare“ d.o.o. Sarajevo i „Autoelektra“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači	
		„Kare“ d.o.o. Sarajevo	„Autoelektra“ d.o.o. Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	DA
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA	DA
2.1.	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od	DA	DA

R. br.	Zahtjevana kvalifikaciona dokumentacija	Ponudaci	
		„Kare“ d.o.o. Sarajevo	„Autoelektra“ d.o.o. Sarajevo
	dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.		

Ponuđač „Autoelektra“ d.o.o. Sarajevo u dostavljenim Izjavama iz čl. 45. stav (1) tačka od a) do d) Zakona o javnim nabavkama i člana 47. stav (1) tačka a) i (4) Zakona o javnim nabavkama nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da ponude ponuđača „Autoelektra“ d.o.o. Sarajevo i „Kare“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtjevana dokumentacija/aneksi-prilozi	Ponuđač	
		„Kare“ d.o.o. Sarajevo	„Autoelektra“ d.o.o. Sarajevo
1.	<b>Tačka: 15. TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	<b>Tačka: 16. TD pod 1:</b> Obrazac za ponudu – Aneks II; Prilog 1.	DA	DA
2.1	<b>Tačka: 16. TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1.	DA	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2.	DA	DA
4.	<b>Tačka 31 i 36 TD:</b> Nacrt okvirnog sporazuma – Prilog 7	DA	DA
5.	<b>Tačka: 31. i 37. TD:</b> Nacrt ugovora o javnoj nabavci – Prilog 8.	DA	DA
6.	<b>Tačka: 42. TD:</b> Povjerljive informacije – Prilog 6.	DA	DA

Ponuđač „Autoelektra“ d.o.o. Sarajevo u dostavljenoj Izjavi iz čl. 52. ZJN nije upisao broj Sl. glasnika BiH.

Prema mišljenju Komisije nepopunjavanje broja Sl. glasnika BiH u izjavi iz čl. 52. ZJN ne predstavlja nedostatak zbog kojeg bi ponuda trebala biti odbačena jer imajući u vidu da se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene od strane ovlaštenog lica, a također je upisan broj obavještenja, tačan naziv predmeta nabavke, naziv ugovornog organa kao i broj postupka ugovornog organa.

Komisija konstatuje da su ponuđači „Autoelektra“ d.o.o. Sarajevo i „Kare“ d.o.o. Sarajevo dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da navedeni ponuđači ispunjavaju sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da su ponude ponuđača „Autoelektra“ d.o.o. Sarajevo i „Kare“ d.o.o. Sarajevo potpisane od strane podnosioca ponude i ovjerene pečatom ponuđača, te imaju broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponuda ponuđača „Autoelektra“ d.o.o. Sarajevo i „Kare“ d.o.o. Sarajevo konstatovano je da u navedenim ponudama nema grešaka računske prirode.

Postupajući u skladu sa odredbama člana 66. stav 1. ZJN, kao i odredbama člana 17. Uputstva za pripremu modela tenderske dokumentacije (Sl.glasnik BiH 90/14) konstatovano je da je cijena ponude ponuđača „Autoelektra“ d.o.o. Sarajevo koja iznosi 95.457,10 KM je 37,94% niža od cijene drugorangirane prihvatljive ponude.

Na osnovu navedenog ponuđaču „Autoelektra“ d.o.o. Sarajevo je dana 28.10.2020.godine upućen zahtjev za pojašnjenje neprirodno niske cijene ponude.

Dana 30.10.2020.godine od strane ponuđača „Autoelektra“ d.o.o. Sarajevo je dostavljeno pojašnjenje ponudene cijene. Shodno navedenom, Komisija konstatuje da je ponuđač adekvatno obrazložio ponudenu cijenu, te se može nastaviti sa daljim radom.

Konstatovano je da ponuđači „Autoelektra“ d.o.o. Sarajevo i „Kare“ d.o.o. Sarajevo nisu dostavili Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b)

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

Od strane Komisije za javne nabavke konstatovano je da su prihvatljive ponude slijedećih ponuđača:

R Br.	Ponuđač	Početna cijena ponude u KM bez PDV-a
1.	„Autoelektra“ d.o.o. Sarajevo	95.457,10
2.	„Kare“ d.o.o. Sarajevo	153.829,35

E-aukcija je u sistemu e-nabavke zakazana na dan 16.11. 2020 godine u 12:00:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 12:00:00 sati do 12:10:00 sati.

Izvještaj o toku i završetku e-aukcije sadrži i konačnu rang listu ponuđača kako slijedi:

R. Br.	Ponuđač	Konačna cijena ponude u KM bez PDV-a
1.	„Autoelektra“ d.o.o. Sarajevo	95.457,10
2.	„Kare“ d.o.o. Sarajevo	153.829,35

Za najpovoljniju ponudu ocjenjena je ponuda ponuđača „Autoelektra“ d.o.o. Sarajevo. Vrijednost ponude ponuđača „Autoelektra“ d.o.o. Sarajevo iznosi **95.457,10 KM bez PDV-a.**

Komisija je jednoglasno dala prijedlog Ugovornom organu da za nabavku roba: „**Rezervni dijelovi za teretna i terenska vozila**“ – tender broj 94/20 donese Odluku o dodjeli ugovora ponuđaču „Autoelektra“ d.o.o. Sarajevo, broj ponude: 1020-01-X/20 od 20.10. 2020 god. kao prvoplasiranom na rang listi, čija vrijednost ponude iznosi: **95.457,10 KM bez PDV-a.**

Iz gore navedenih razloga, primjenom člana 64. stav (1) tačka b) Zakona o javnoj nabavki („Službeni glasnik BiH“ br. 39/14), donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponuđači  
- a/a



Direktor

Enver Hadžiahmetović, dipl.ing.maš.